

Najib Tiba Untuk Lawatan Sehari Ke Kelantan
Bernama
2 Mei, 2013

PASIR PUTEH, 2 Mei (Bernama) -- Perdana Menteri Datuk Seri Najib Tun Razak tiba di Lapangan Terbang Tentera Udara Diraja Malaysia (TUDM) Gong Kedak di sini hari ini untuk mengadakan lawatan sehari ke Kelantan.

Perdana menteri yang tiba bersama isteri Datin Seri Rosmah Mansor disambut Pengerusi Barisan Nasional Kelantan Datuk Seri Mustapa Mohamed, timbalannya Datuk Dr Awang Adek Hussin dan pemimpin parti komponen BN yang lain.

Sebaik tiba, Najib ke Sekolah Menengah Kebangsaan Sungai Petai, Pasir Puteh untuk menghadiri majlis pemimpin bersama rakyat, yang disusuli dengan program yang sama di Sekolah Kebangsaan Tok Bok, Machang.

Pada sebelah petangnya, perdana menteri akan menyempurnakan majlis pelancaran Tuisyen 1Malaysia di Maktab Sultan Ismail, Kota Baharu.

Mengakhiri lawatannya, Najib sekali lagi akan menghadiri majlis pemimpin bersama rakyat di Sekolah Menengah Kebangsaan Chabang Empat, Tumpat sebelum berlepas pulang.

-- BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=946782>